

REVTLINGENSE.

17

*Viue diu: sed viue Deo: nam viuere mundo
Mortis opus: caussam semper defende scholarum,
Mecenas maneat studiorum, sisq; patronus
Noster, & accipias placido mea carmina vultu.*

Ioan. Conradus
Köngott prætor
Reutlingensiu.

*Sic quoq; de Köngott Prator Conrade Ioannes
Dulcis amice mihi studiorum fautor, & altor:
Perge ita Maiorum vestigia magna tuorum
Rite sequi, sedemq; diu decorare paternam
Et seruare bonas & iustas condere leges.
Ut te posteritas commendet sera nepotum,
Et mea saepe tuas dicant præconia laudes.
Sic quoq; tu Klemmi dulcissime Paulle parentes
Præsentare tuos iustis in rebus agendis*

Paulus Klem
Reutlingensis.

*Perge ita: nam nostri pares non extrema Senatus
In patria resides, & nostro tempore flores.
Dij tibi sint faciles: semper tua cæpta secudent,
Et tribuant meritis æquales semper honores.
Raachius hunc sequitur magnâ probitate Ioannes
Sedulus est idem rebusq; peritus agendis
Qui quondam docuit germanam ritè iuuentam
Teutonicamq; scholam iusto moderamine rexit.
Nunc Reütlingensis pars Raachius ille Senatus
Maiorum præclara sequens exempla suorum
Iamq; schola nostra præfectus & arbiter extat.*

Ioannes Raach
Scholæ præfe-
ctus & adilis.

*Sic Reütlingensem breuiter descripsimus urbem
Quæ pacis niuea semper studiosa manebat
Vrbs pietatis amans & religionis auita.
Tu Deus hanc serua clementi numine sedem
Quam tibi commendo Deus Optime Maxime sartam:
Nam nisi tu sanctam benè custodiueris urbem,
In vanum vigilat custos, frustraq; laborat
Ædificans illam muris & turribus altis.*

CONCLV.
sio Encomii ci-
uitatis Reutlin-
gensis.

E

M. GE-